

Gōng Lâng Óakhò Châihù

(Khólah kiáⁿsun ê si, kau hō sipan chíhui.)

- 1 Bānbîn ah, lín lóng tiòh thiaⁿ,
sōū tī sèkan khiākhí ê lâng ah, lín lóng tiòh àⁿ
hīⁿkhang thiaⁿ.
- 2 Bôlūn siōngténg hāténg, hógiáh sànychhiah,
lóng tiòh chòhóe chimchiok thiaⁿ.
- 3 Góa ê chhùi beh kóng tìhūi ê ôe;
góa ê sim só siūⁿ ê sī thongtát ê tōlí.
- 4 Góa beh àⁿ hīⁿkhang thiaⁿ siókgí,
góa beh tôaⁿ khîm lâi káibêng kítiong ê òpì.
- 5 Tī hoānlân ê jitchí, tng kanok kintòe tī góa
sināu, sībīn úi góa ê sī,
góa hôpit kiaⁿhiāⁿ?
- 6 Hiahê óakhò chíⁿchâi,
khoakháu hùjū ê lâng,
- 7 in bô lâng ē tàng siókhôe kakī ê hiaⁿtī,
mā bē tàng ēng chíⁿ tùi SiōngChú siókhôe
sèⁿmiā,
- 8 inūi siókhôe in ê sèⁿmiā ê kèchíⁿ kék kùi,
lâng hù bē khí kàugiáh ê siókkim,
- 9 thang hō in kútng oáh leh, bián siū húbiát.
- 10 In khòaⁿkìⁿ tìhūi ê lâng sí khì,
gūgōng ê lâng kah bûti ê lâng mā chòhóe
biátbông;
- in ê chíⁿchâi lóng lâu hō pátlâng.
- 11 In ê sim lâi siūⁿ kóng in ê chhù ē éngoán

慧人 Óa 靠財富

(可拉 kiáⁿ 孫 ê 詩, 交 hō 詩班指揮。)

- 1 萬民 ah, lín lóng tiòh 聽,
所有 tī 世間 khiā 起 ê 人 ah, lín lóng tiòh àⁿ 耳
孔聽。
- 2 無論上等下等, 好額 sànychhiah,
lóng tiòh 做伙斟酌聽。
- 3 我 ê 嘴 beh 講智慧 ê 話;
我 ê 心所想 ê 是通達 ê 道理。
- 4 我 beh àⁿ 耳孔聽俗語,
我 beh 彈琴來解明其中 ê 奧祕。
- 5 Tī 患難 ê 日子, 當奸惡跟 tòi tī 我身後, 四面圍
我 ê 時,
我何必驚惶?
- 6 Hiahê óa 靠錢財,
誇口富裕 ê 人,
- 7 in 無人 ē tàng 贖回 kakī ê 兄弟,
mā bē tàng 用錢 tùi 上主贖回性命,
- 8 因為贖回 in ê 性命 ê 價錢極貴,
人付 bē 起夠額 ê 贖金,
- 9 thang hō in 久長活 leh, 免受毀滅。
- 10 In 看見智慧 ê 人死去,
愚慧 ê 人 kah 無知 ê 人 mā 做伙滅亡;
in ê 錢財 lóng 留 hō 別人。
- 11 In ê 心內想講 in ê 厝 ē 永遠存在,

- chûnchāi,
in tòa ê sóchāi ē lâu kàu bān sètāi,
sốí, in ēng kakī ê miâ lâi kâ kakī ê tē hō miâ.
- 12 Chóng sī, lāng bē tàng inūi chāihù lâi oah khah kútng,
in ē chhinchhiūⁿ chengseⁿ síbông.
- 13 Che sī gūgōng ê lāng ê ūnmiā,
mā sī hiahê chântông in ê giānlūn ê lāng ê ūnmiā. [Sèláh]
- 14 In chhinchhiūⁿ chùtiāⁿ tiòh lòh imhú ê iūⁿkūn;
síbông beh chò in ê bókchiá.
Kàu cháchísí, chèngtit ê lāng beh koánhat in;
in ê hêngthé ē tī imhú hiúnōa, tìsú bô koh ū khiākhi ê sóchāi.
- 15 Tòktòk SiōngChú ē kiùsiòk góa ê lêngghūn thoatlī imhú ê koánpèng,
inūi l ē chiapláp góa. [Sèláh]
- 16 Tng pátlāng hoatchāi, katēng kethiⁿ êngkng ê sī,
lí m̄ bián kiaⁿhiāⁿ.
- 17 Inūi i sí ê sī, bô kah chít hāng tòa ē khi;
i ê ênghōa hùkùi bē tàng tòe i khi.
- 18 Tiòhsnḡ i chāiseⁿ ê sī kakī khoakháu ū hokkhi,
(lāng nā hengōng, tòh ē tit tiòh lāng ê oló) ;
- 19 m̄ koh, i chòeāu iáu sī tiòh khi kàu in chósian hia,
éngóan bē koh kìⁿ tiòh kngbēng.
- 20 Lāng tī hùkùi tiong khiok siūⁿ bē bēngpék,
tòh chhinchhiūⁿ ē sí khi ê chengseⁿ.
- in tòa ê 所在 ē 留到萬世代，
所以，in 用 kakī ê 名來 kâ kakī ê 地號名。
- 12 總是，人 bē tàng 因為財富來活 khah 久長，
in ē 親像 chengseⁿ 死亡。
- 13 這是愚戇 ê 人 ê 運命，
mā 是 hiahê 贊同 in ê 言論 ê 人 ê 運命。
[Sèláh]
- 14 In 親像註定 tiòh 落陰府 ê 羊群；
死亡 beh 做 in ê 牧者。
到早起時，正直 ê 人 beh 管轄 in；
in ê 形體 ē tī 陰府朽爛，致使無 koh 有 khiā 起 ê 所在。
- 15 獨獨上主 ē 救贖我 ê 靈魂脫離陰府 ê 權柄，
因為祂 ē 接納我。 [Sèláh]
- 16 當別人發財，家庭加添榮光 ê 時，
你 m̄ 免驚惶。
- 17 因為伊死 ê 時，無 kah 一項帶 ē 去；
伊 ê 榮華富貴 bē tàng tòe 伊去。
- 18 Tiòh 算伊在生 ê 時 kakī 誇口有福氣，
(人若興旺，tòh ē 得 tiòh 人 ê oló)；
- 19 m̄ koh，伊最後 iáu 是 tiòh 去到 in 祖先 hia，
永遠 bē koh 見 tiòh 光明。
- 20 人 tī 富貴中卻想 bē 明白，
tòh 親像 ē 死去 ê chengseⁿ。